

故宮
珍本
纂刊

清涼山志三種



故宮博物院編

海南出版社

故宮珍本叢刊第 248 冊史部地理類山水

故宮博物院編

清涼山志

清涼山新志

欽定清涼山志

海南出版社

新平知書
PDG

圖書在版編目(CIP)數據

故宮珍本叢刊.第248冊,地理·山水,清涼山志、清涼山新志、欽定清涼山志/故宮博物院編.
—影印本.—海口:海南出版社,2001.4

ISBN 7-80645-986-3

I.故… II.故… III.古籍—善本—故宮博物院—叢刊 IV.Z121.7

中國版本圖書館 CIP 數據核字(2001)第 06665 號

故宮珍本叢刊第 248 冊

史部·地理·山水

清涼山志 清涼山新志 欽定清涼山志

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:29.5 印數:1-400 冊

ISBN 7-80645-986-3/Z·67

定價:8400 元(河渠山水古迹游記外紀 96 種共 42 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末



清涼山志序

寂光無外五濁懸鏡裡之山至聖非遙六趣閉
夢中之宅螺髻眼底儼若天宮驚子目前依稀
人世毋固毋我非色非空惟妙體以無私循業
緣而殊現且夫一微塵裏窺大千之莫涯信乎
五頂山中宅萬聖而非隘文殊大士既為七佛
之師紫府靈峯固矣三千之最雖曰充周法界
極神德而無方今則獨指清涼使歸心之有在
山橫鴈代孤標震旦之雄聲播五天爰起遐方

清涼志

序

之敬雜花初唱詔曰清涼寶篋重宣稱為五頂
乃聖言之有據厥靈蹟亦可徵原夫真區湛寂
杳無攀仰之端化宇形殊斯有瞻依之相真該
化未化洞真源真化融通聖凡交徹清涼神境
斯之謂歟故即真而化曼殊現貧女之軀即化
而真波利入金剛之界是以菩薩於衆生心內
時時證覺顧衆生不知衆生於菩薩心中念念
輪迴惟菩薩無礙是則真不外化化豈離真真
化一心悟迷斯隔耳其為山也涵容萬化潛育

百靈巖花砌草全彰本智之光靜谷幽林深隱

真人之宅時乎珠林煥現仙域洞開靈霞生宿

客之衣圓光射遊人之影觸目通玄非人間矣

是以遊觀之士四海雲馳棲宇之流千巖星布

明王聖主代為興福之場列宰名臣爰有思具之詠

昏昏業識望影塵消汨汨煩心觀光豁爾至於

烏養仰信醜虜降心則大士攝化之功至矣清

涼志者所以載夫臺山盛事者也唐初藍谷法

師創集曰清涼傳宋僧延一又為廣傳而無盡

清涼志

序

居士所觀靈蹟復自書之目曰續傳傳雖再出

而於文殊應跡志士感通班班遺諸群藉而猶

未備焉至

國朝正德間秋厓法師細搜今古倍益舊文為二十

卷收採泛濫未足可傳適際

今上聖明御宇

慈聖國母廣植勝因勅建

釋迦文佛舍利寶塔于清涼山中神功殊利澤及萬

方法門盛事光越千古塔院住持圓廣感斯盛

遇與不佞言將以書諸傳記昭化後世間覺生

民且命不佞修葺之而後壽梓不佞病斯文之

訛亦久矣今有所授敢不勉焉於是削繁秩亂

勒門為十於初二門中藉以問辯發掘入境真

化之旨殆盡厥文雖減古而遺韻有序焉

皇明萬曆丙申秋燕山廣應寺沙門鎮澄書于

臺山之獅子窟

清涼志

序

摠目

一摠標化宇

二徵釋化主

三五峯靈跡

四諸寺名跡

五帝王崇建

六名公外護

七菩薩顯應

八歷代品僧

九異衆感通

十名公題詠

清涼山志序

蓋聞華嚴云若人欲識佛境界當

淨其意如虛空夫虛空無名相而名

佛者何也曰無名之名名其所以不能

名者故稱之以佛佛者覺也覺大夜

之重昏謂萬法之出處由是心佛衆生

三無差別原於無始一念瞥然如青

清涼志序

人妄見空花遂使明入大道因與玄機法

法真風徒增業識故報有精粗凡聖

迥隔茲五臺山者乃曼殊大士之闢

宛凡聖同居之靈區即化即真若耶

道後形勢說有說空亦猶夢中

夢寐而不動厥跡可徵感而遂通如

幻解脫之所現耳於是四山諸化

于中華五嶽環拱於神州惟清涼
山者出於金口而東來首唱於華嚴五
頂名標於寶篋凡古有國家者莫
不垂章程世植福陰湖八州供稅不
忘付吻以常存九帝通導俾使
歸心之有地臨山橫為代遠啓大荒
以傾誠聲振五天教孚化外而景

清涼志序

二

御立於現形授法持異身而說妙
法化閱浮空弊魔宮而垂法利
濟幽顯載諸記錄達我

國

朝定鼎興作弘勤佛風正報宣

法化於家邦慈日重輝一應多福

天

眷囑呼法運時銀波句作難雲

中賦紀勝地夢地華臺室在不
鏡空色之先法教鯨鐘聲之甚
苦之地寧知曼殊悲嘆明淨光洪
天太息於玄穹於是為年幸為至
於灰燼者其功合矣惟賴見任有
省督撫雲鎮等更加太子少保兵
部尚書益都察院右都御史白如

清涼志序

三

梅公乃三韓盛族閱名象天
睿性善護佛法於金湯德音刑
清保黔黎猶未子由是莫步弘
基匡扶聖教其功德有莫少名
主者夫昔如來以法甘露為子王臣
流通外護必全法眼常照生民以
賴以今五臺山觀之曹其然也

至唐子定歲際我

先皇垂念臺山香火不忍廢祀

勅部

簡命老朽委以臺山督理為渙然老朽

竊念草莽庸流妄叨

聖恩謬膺斯任復喜瞻觀優禮異

常弘祀靈山受命而現身宰輔者

清涼志序

四

孰能如是耶而老朽靜坐空山追

惟亡者則老朽亦公亦可謂子載

盛美矣斯清涼志者上自唐宗元明

世所宗為近緣兵燹之餘少有錯綜

予不愧孤陋勉為脩正蓋之以序用識

歲月云

皆

大清順治辛丑中樞之朔臺山真

容院喇嘛阿王老藏書於

清涼石室



清涼志序

五

清涼山志卷第一

第一揔標化宇

五嶽之外有清涼山者乃曼殊大士之化宇也亦名五臺山以歲積堅冰夏仍飛雪曾無炎暑故曰清涼五峯聳出頂無林木有如壘土之臺故曰五臺是山也雄據鴈代盤礴數州在四關之中周五百餘里左隣恒嶽秀出千峯右瞰渾沱長流一帶北凌紫塞邊萬里之烟塵南擁中原為大國之屏蔽山之形勢難以盡言五峯中立千嶂環開曲屈窈窕鎖千道之長

清涼志

卷之一

乙

豁疊翠迴嵐幕百重之峻嶺巋巍敦厚他山莫比故有大人狀焉於其間也鳴泉歷歷萬壑奔飛嘉木森森千巖彌布幽涵神物涵洩雲龍縈紆盤據無非梵行之棲隱顯環而盡是真人之宅雖寒風勁冽瑞草爭芳積雪夏飛名花競發白雲凝布奪萬里之澄江果日將昇見一陂之大海此其常境也若夫精心鑽仰刻意冥求聖境靈區有時而現或神燈觸目或佛光攝身或金閣浮空或竹林現影金剛窟裏列聖森森百草頭邊神光赫赫披雲撥霧或登物外之天躡

險捫蘿每入非常之境實百靈之冲府乃萬聖之玄都其間靈境有不可得而名言狀示者不思議界非人間也徵其源也乃曼殊大願之所持如幻三昧之所現無方無體非色非空觸類而彰隨緣而顯矣故得染相與氣咸資般若之光觸石沾雲悉植菩提之種大疏云自大師晦跡於西天妙德揚輝於東夏雖法身常在雞山空掩於荒榛應現有方驚頓得名於茲土神僧顯彰於靈境宣公上稟於諸天漢明啓兆於崇基魏帝中孚於至化北齊數州以傾供有唐九帝以迴光五天殞命以奔風八表忘軀而競託自非大士慈雲彌漫智海汪洋廓法界以無疆盡衆生而為願孰能感應若茲其有居神州一生不到者亦奚異舍衛三億之徒哉願皆修敬焉或問域內名山有五東曰泰山南曰衡山西曰華山北曰恒山中曰嵩山是為五嶽上古帝王四時巡狩則臨四方之嶽以時祀之而泰山梁父為四嶽長故稱岱宗自古帝王于茲封禪焉載諸經史詳矣今日文殊大士居清涼山而令海內傾心於茲斯嚮亦有可考乎荅曰於修

清涼志

卷之一

二

多羅有良證耳故大華嚴經云東北方有處名清涼山從昔已來諸菩薩衆於中止住現有菩薩名文殊師利與其眷屬諸菩薩衆一萬人俱常在其中而演說法斯言猶漫文寶藏陀羅尼經云佛告金剛密跡主言我滅度後於此瞻部州東北方有國名大震那其

清涼志

卷之一

三

中有山名曰五頂文殊童子遊行居住為諸衆生於中說法及有無量天龍八部圍繞供養等斯言審矣此外自古及今神人顯彰甚多畧引數條一漢明帝時摩騰法蘭者四果聖人也始至此土以天眼觀即知此山乃文殊住處兼有育王所置佛舍利塔二字文後周時有化人來遊此土云禮迦葉佛說法處并往清涼文殊住處至山現文殊像殞空不見隨者乃知文殊化身三唐初師子國僧九十九夏三果人也跣足而來禮清涼山四唐道宣律師行起三界道重百靈感諸天人常侍衛焉嘗問諸天真遠之事無不明答乃知清涼文殊所居上皆出感通傳故藍谷云此土名山雖嵩岱蓬瀛皆編外典未有若清涼出於金口傳於龍藏宅萬聖而數化自五印以飛聲美耀

靈山利周賢劫者也問曰有云劫火洞然此山不壞言非妄誕者乎以今觀之山石之崩隕林木之代謝擊之則裂火之則灰安得三災而不壞也答曰化相則壞真相不壞故法華云大火所燒時我淨土不毀如身子見娑婆丘陵土石斯可壞者也螺髻見如自在天宮斯不可壞者也問曰真之與化相去幾何為一為異一則真應同化龐弊可壞異則真居化外應非人間答曰真之與化非一非異如鏡中像非即是鏡亦非離鏡有像可得如夢所見雖非本身然離本身無別夢境故楞嚴云譬如目眚瞶燈光中別見圓影彼非眚人則無所見以况衆生以無明故妄見山河諸有為相聖則不見又如法界品中如來入師子奮詁三昧逝多園林即有無盡功德莊嚴云二乘在會不見不聞乃至云如是皆是普賢菩薩智眼境界不與一切二乘所共以是因緣聲聞不見等是知真界無殊悟迷斯隔推此可知清涼真化矣據上所辯真土無邊獨曰此處不壞者欲令歸心專一又如窺一隙之空即見無盡之空也

清涼志

卷之一

四

第二微釋化主

原聖

或問常夫之謂凡通明之謂聖曼殊大士凡歟聖歟
 答曰究論法身尚不名聖豈得謂凡今就應跡是聖
 非凡也問曰聖有世出世異洞明物理德被黔黎精
 一傳家至仁脩己此世間聖堯舜周孔是也永離生
 死證大涅槃慈育四生光含三有此出世間聖大雄
 氏等是也曼殊師利即何聖耶答曰出世間聖非世
 間也問曰出世之聖亦有四焉一曰聲聞聞四諦法

清涼志

卷之一

五

厭苦斷集修道證滅者也二曰緣覺觀緣變易自覺
 無生者也三曰菩薩萬行圓修自他兼利宅心法界
 德用難思者也四曰如來朗萬法之幽邃覺大夜之
 重昏纖塵淨盡萬德圓明者也於斯四者文殊大士
 當何聖耶答曰久成第四示居第三者也何所據耶
 答曰楞嚴三昧經云佛告迦葉過去久遠無量無邊
 不可思議阿僧祇劫爾時有佛名龍種上尊如來十
 號具足於此南方過千國土有國名平正地平如掌
 龍種上佛於彼國土得無上覺乃至云彼佛即文殊

師利法王子是也又處胎經云昔為能仁師今為佛
 弟子二尊不並化故我為菩薩此皆已成正覺現處
 菩薩也又央掘經說北方有國曰常喜彼土有佛曰
 歡喜藏摩尼寶積即文殊是此則現成正覺者也問
 曰準寶積經說文殊於未來成佛名曰普見混無量
 佛土為一淨土以彌陀淨土比之不啻大海一滴耳
 則未來實成過去乃因中示成也答曰據實而論過
 現當來或因或果無非隨宜示現攝化群生在本則
 無成無不成無現無非現不可得而名言矣

清涼志

卷之一

六

釋名

問曰菩薩何故名文殊師利答曰至人無名名所不
 能名也今以無名之名隨德立稱耳文殊師利或云
 曼殊室利梵音楚夏也此云妙德亦云妙吉祥以萬
 德圓明皆徹性源故稱妙德生有十徵見聞獲益故
 稱妙吉祥也十徵者菩薩誕生時現十種徵一天降
 甘露二地涌七宝三倉變金粟四蓮生蓮花五光明
 滿室六鷄生鳳子七馬產祥麟八牛生白澤九猪誕
 龍豚十六牙象現是也

生緣

問曰文殊大士示生何地誰氏之子功德神用說法利民歸真返寐之事可得聞乎荅曰淨法界身本無出沒大悲願力示現受生故文殊收泥洹經云佛告跋陀羅此文殊師利以大慈悲生此國多羅聚落梵德婆羅門家其生之時家內屋宅化如蓮花從母右脇而生身紫金色墮地能言如天童子有七寶蓋隨覆其上十徵如上多羅聚落即舍衛國佛正在此說故又準大華嚴經云東方去此界十佛刹微塵數世清涼志

卷之一

七

德相

言功德者曰功浩渺果德難思備諸藏教今畧一二以識端倪即上經云文殊具三十二相八十種好則相好同佛矣又華嚴法界品舍利弗告諸比丘汝可觀察文殊師利清淨之身相好莊嚴一切人天莫能

思議汝可觀察文殊師利圓光映徹令無量衆生發

歡喜心光網莊嚴滅除衆生無量苦惱乃至云汝可

觀察文殊師利曾供養佛善根所流一切樹間出莊

嚴藏諸世間主雨供養雲以為供養一切如來將說

法時白毫相光來照其身等又彌勒菩薩告善財言

文殊師利所有大願非餘無量百千億那由他菩薩

之所能有善男子文殊師利童子其行廣大其願無

邊出生一切菩薩功德無有休息善男子文殊師利

常為無量諸佛之母常為無量菩薩之師教化成就

清涼志

卷之一

八

一切衆生名稱普聞十方世界等其文甚廣皆菩薩功德也

神用

言神用者如聖智怖心聞聲揚而擲地

名聖智說法第一立千有頂說法曾散大千文殊至

彼立光音天說法其音普震大千世界魔宮振裂惡

道休息聖智比丘聞是聲已即驚怖尋便辭地不能

自持辭如狂風吹於小鳥即墮人間因問彼佛佛答

文殊大士至毗盧遮那佛絕非爾

立空

天

不燒等天子我於一切若一切餘說其神變猶不燒
畫文殊即入神變自在王三昧現如土事魔乃後著
心視

法要

其說法者一代時教不共般若一乘性宗皆文殊大
士激揚酣唱備諸龍藏不能廣引今據其要畧數條
冀為道者宜銘心焉○世尊一日升座文殊白槌云
諦觀法王法法王法如是世尊便下座

世尊一日見文殊在門外立乃召曰文殊入來文殊
曰我不見有一法在門外者云何如來教我入門○

清涼志

卷之一

十一

世尊教文殊入不思議解脫三昧文殊曰我即不思
議云何更入不思議耶○世尊謂文殊曰如汝文殊
更有文殊是文殊者為無文殊文殊曰如是世尊我
真文殊無是文殊何以故若有是者則二文殊然我
今日非無文殊於中實無是非二相○菴提女問文
殊曰明知生是不生理為甚麼却被生死之所流轉
文殊答曰其力未充○三十二菩薩各說不二法門
竟却問文殊文殊曰如我意者於一切法無言無說
無示無識離諸問答是為菩薩入不二法門於是文

殊問維摩詰仁者當說何等是菩薩入不二法門維
摩默然文殊讚曰乃至無有文字語言是為真入不

二法門○文殊一日令善財採藥曰是藥者採來善

財遍觀大地無不是藥却白文殊文殊曰是藥者採
將來善財遂於地上拈一莖草度與文殊文殊接得

以示眾曰此藥亦能殺人亦能活人○善現問出世
間法文殊答曰我覓世間相了不可得子欲誰出又

曰貪嗔痴即平等法界我於是中非已出離非未出
離若出不出則墮二見○靈山會上五百比丘得通

清涼志

卷之一

十二

未得忍以宿命智各見過去殺父害母及諸重罪於
自心內各各懷疑於甚深法不能證入於是文殊仗
劍逼佛佛言文殊住住吾必被害吾被害矣吾誰害
吾於是五百比丘自悟本心了法如夢皆得法忍說
偈讚曰文殊大智士深達法源底手自握利劍逼持
如來身如劍佛亦爾一相無二相無相無所生是中
云何殺上畧引顯教其秘密門大藏甚多今撫其要
以便誦持

文殊師利根本一字陀羅尼

卷 薩臨 二合鴨字去 氣氣此是梵 書薩臨

佛言此是文殊師利童子行輪呪法為欲守護諸衆
生故一切如來所有極秘密心大神呪王若有持者
我記是人則為已持一切諸呪悉皆圓滿一切所作
皆得成就文殊師利常來擁護乃至消除一切諸惡
重罪成辦一切世出世事 云詳能九

曼殊室利菩薩五字心陀羅尼

阿羅跋左娜 𑖀𑖄𑖄𑖄𑖄𑖄

若人有能持此呪者即入如來一切法平等印速得

清涼山志 卷之一 十一

成就摩訶般若總誦一遍即持八萬四千法藏五字

義者所謂阿者無生義羅者清淨無染離塵垢義跋

者無第一義諦諸法平等左者諸法無有諸行娜者諸

法無有性相言說文字皆不可得善男子汝知此要

當觀是心本來清淨無所染著離我我所分別之相

入此門者名三摩地是真修習當知是人如來印可

功德殊勝不可量也

曼殊室利菩薩八字陀羅尼

唵 嘛 呢 叭 彌 吽 囉 吽

佛告金剎手菩薩此八字大威德陀羅尼者乃往過

去無量恒河沙諸佛所說為擁護一切十善國王令

得如意壽命長遠福德無比兵甲休息國土安寧能

大利益一切衆生斷三惡道遂諸願求若人暫聞憶

念此呪即滅四重五逆等罪何呪常念是人福德十

地補處所不能奪呪餘天等若持呪人事緣勿迫不

必局法修持但能禁制身口意業十惡永絕即能持

此陀羅尼呪亦得成就除不正心不發菩提心若能

發心能憶誦者若誦一遍即護自身二遍護父母三

遍護國王四遍護眷屬五遍護聚落六遍護城邑七

遍護天下有情又云若我具說是呪功德無量千劫不

能令盡

能令盡

利行

言利行者文殊般若泥洹經云此菩薩住首楞嚴三昧

力故於十方界或現初生或現滅度饒益衆生故有

偈云文殊大菩薩不捨大悲願變身為異道或冠或

露體或處小兒叢遊戲於聚落或作貧窮人裴容為

老病及現飢寒苦巡方而求乞令人發一施與滿三

切頭令發信心已為說波羅蜜統領萬菩薩居住五

頂山放億種光明見者罪消滅又菩薩處胎經偈云

我身如微塵在於他國土三十二相明在在無不現

等皆菩薩利行也佛名經說過去無量恒河沙佛皆

是文殊令發初心故清涼云度二十億佛現說法者

持地猶存佛告師子音過去七十萬阿僧祇恒河沙劫有佛名雷音於東方無生國成佛彼時

文殊為王名普覆諸佛修供發菩提心其隨從者二

十億人亦隨發心修六度行至成菩提入般涅槃文殊

師利悉皆供養其中一佛名持地山在此下方持地

世界成等正覺佛壽無量于今猶住現在說法詳官

九化百千諸龍立登正覺王女是一華禮妙慧而不

忘敬本王舍城長者女名妙慧年始八歲詣佛問法

中一行不修則遠佛教則為欺誑如來我言不虛大

千必動言訖大千世界六種震動又曰我當決定成

佛此言不妄令此大衆皆作金色言已會衆即變金

色文殊問曰汝住何法發如是願女曰文殊非所問

也何以故於法界中無所住故云乃至佛告文殊此

童女者已於過去發菩提心經三十劫我乃發趣無

上菩提亦令汝住無生法忍爾時又殊即從座起為

其作禮白妙慧言我於往昔無量劫前已曾供養不

謂今者還得親勸善財而增長發心界品無言於

不二法門淨名悉力於安樂行品法華教龍吉祥之分衛

下位莫知時能普善薩入舍衛城分衛無量大衆從之

法乃至云行衛時無念衆是無念下人子時唱廣談深

屈無中無念分衛無分衛者無心無物成郭聚落長

勿男女一切皆是念亦非廓不消淨是名菩薩

薩分衛道也在會聲聞問知其說詳翔四

瑠璃光之光明正覺稱妙不聞之義高貴德王菩薩難

佛不容有聞不聞義乃至云是大涅槃非世攝若非

三世則不可說云何而言修大涅槃聞所不聞佛印

善說時大會中忽有大光非青非黃非赤非白

見色非明見明過斯光者身心快樂如入三禪文殊

白佛今此光明明誰之所放如來然然五菩薩皆亦

文殊文殊亦無邊身問迦葉亦無邊身問阿若陀

如是雖相諮問然無答者佛即問文殊曰是何因緣

有此光明文殊答曰提亮明者名為智慧智慧有

是常住常住之法無有因緣云何佛問何因緣故有

此光明是光明名大涅槃涅槃常住不從緣生云何

如來而問因緣云廣說常任之法後佛告曰汝莫入

第一義諦應以世諦而說文殊方說其事乃東方不

動佛國琉璃光談般若之玄致屢質本師說權實之

善薩所現也清涼志卷之一

雙行頻驚小聖皆說法利生之事也談般若廣如大

思議經文殊說善薩行云善薩行於世間不為世法

所染現處外道諸見所不能動雖斷煩惱而不捨善

薩行雖不住有為而亦不住無為

法云諸經頗多二乘因測也

涅槃

言歸真者梵語涅槃此云滅度亦曰圓寂應緣既畢

歛跡復真之義也文殊般若涅槃經云佛滅度後四

五十年文殊師利菩薩當至雪山為五百仙人宣揚

法化令成熟已即與諸仙飛騰虛空至本生心即舍

尼拘樹下結跏趺坐入首楞嚴三昧三昧力故身諸

清涼志

卷之一

七

毛孔出金色光遍照十方諸有緣者悉令得度作佛事已有大火光從毛孔出鍊金色身成琉璃像於兩臂上有諸佛印文相分明琉璃像內有真金像正長六尺坐蓮華臺了了分明火光滅已此像宛然其五百仙人各現神變皆入涅槃既滅度已八大鬼王昇琉璃像置金剎山頂起塔供養云或問文殊大聖入滅於彼住持於此彼為真滅耶不真滅耶適言真滅住此者誰適言不滅胡不存形而遊此乎答曰大經云為令衆生欣樂故出現於世欲令衆生生戀慕故示現涅槃而菩薩身無有出世亦無涅槃何以故菩薩常住清淨法界隨衆生心示涅槃故譬如日輪普照世間淨水器中影無不現普遍衆處而無來往或一器破便不現影非日咎也是知大聖或出或沒皆適衆生而法身湛然曾無生滅去來之相體既真常用亦無間但淨我心聖無不現耳此涅槃之相也

釋住

問曰聖有三身當以何身住清涼耶答曰三身俱住住相云何謂法身住者毘盧遮那自體遍故器界之

清涼志

卷之一

十八

性即法身故經云普賢身相如虛空依真而住非國土今約佛法性相義今身土則以法身住法性土契證難思義言住耳實無能所二體也報身住者即智與理冥德稱體周如日合空即名為住故東坡云溪聲盡是廣長舌山色無非淨妙身似斯義耳化身住者即文殊以三十二相之身與萬菩薩常住其中若夫隨類之化如牧童皤叟貧女嬰兒等種種變現是也蓋法報為體應化為用體涵諸用用根諸體體周則用遍故三不相離問曰若爾則體既無邊用亦遍應奚獨住五臺答曰現五臺者為應震旦之機欲令歸心有在耳若剎塵機感法界圓應夫何所拘哉

辯益

或問自古國家祀諸名山大川者所以報一歲之功為生民祈福也今夫清涼海內之民吞冰嚙雪委命忘疲歲歲登禮至於燒身燃臂而救護者往往有之且曰文殊大士住於此山而文殊有何義利於人而若是耶答曰由此菩薩於無量劫事無量佛捨無量身修無量行一一行門恒為利樂一切有情由昔大